

# Mia vivo

Vortoj kaj muziko de  
Ĵomart Amzeev

Mia vivo kvazaŭ trajn' rapidas  
Ĉiu jaro kvazaŭ la vagon'  
En vagonoj multaj homoj sidas,  
Sed pli multaj restis sur peron'.

En vagon' unua mi naskiĝis  
Mi memoras varmon de patrin'  
Jam neniam povos mi estiĝi  
Ree de komenco de l'destin'.

Rf - I:           Kiaj grandaj,  
                  kiaj grandaj estis la vagonoj  
                  Kaj rapida,  
                  kaj rapida estis mia trajn'.  
                  Mi memoras bone lecionojn  
                  de stacioj de Eraroj kaj Malgajn'.  
                  Mia vivo.

Mi ne scias ĝuste vojdirekton.  
Ne konjektas pri sekvantstaci  
sed, se eblecon havus mi elekti  
nepre mi elektus trajnon ĉi.

Mia trajno havas la vagonojn  
jam tridek, em ĉiu loĝas mi.  
Vojo estis bona kaj malbona,  
Sed neniam estis sen amik'

Rf - II:           Multe da stacioj,  
                  multe da stacioj preterpasis.  
                  Multajn homojn,  
                  multajn homojn mi renkontis jam.  
                  Sed ne perads mi esperon trafi  
                  al stacio de Feliĉo kaj la Am'.  
                  Mia vivo.